



Broj: UP1-06-13-1-77-4/26
Mostar, 22.4.2026. godine

Na osnovu člana 19. stav (1) Zakona o električnoj energiji Federacije Bosne i Hercegovine („Službene novine Federacije BiH“ broj 60/23), člana 17. Pravilnika o izdavanju dozvola („Službene novine Federacije BiH“ broj 29/24), člana 14., člana 15. i člana 16. Pravilnika o regulatornim naknadama („Službene novine Federacije BiH“ broj 94/23 i 30/24), postupajući po Zahtjevu za obnovu dozvole/licence za rad Operatora za OIEiEK broj: UP1-06-13-1-77-1/26 od 6.3.2026. godine, podnosioca zahtjeva Operator za OIEiEK, ul. Adema Buća br. 34, Mostar, zastupanog po zakonskom zastupniku, Regulatorna komisija za energiju u Federaciji Bosne i Hercegovine – FERK je 22.4.2026. godine na VIII redovnoj sjednici donijela sljedeće

RJEŠENJE

1. Izdaje se Dozvola/licenca za rad Operatoru za OIEiEK podnosiocu zahtjeva Operator za OIEiEK.
2. Dozvola se izdaje na period od 4.9.2026. godine do 3.9.2041. godine, sa uslovima dozvole koji čine njen sastavni dio.
3. Sastavni dio ovog rješenja čini dozvola iz tački 1. i 2. ovog rješenja.
4. Imalac dozvole je obavezan da plati naknadu za 2026. godinu u iznosu od 1.630,14 KM.
5. Imalac dozvole je obavezan da plati naknadu za period od 2027. do 2040. godine, u iznosu od 5.000,00 KM godišnje.
6. Imalac dozvole je obavezan da plati naknadu za 2041. godinu u iznosu od 3.369,86 KM.
7. Imalac dozvole je obavezan da naknadu iz tačke 4. ovog rješenja plati u roku od 30 dana od dana prijema rješenja, a naknade iz tački 5. i 6. ovog rješenja do 31.1. te godine.
8. Ovo rješenje je konačno i objavljuje se na službenoj internet stranici FERK-a.

O b r a z l o ž e n j e

Dana 6.3.2026. godine FERK je od podnosioca Operator za OIEiEK pod brojem: UP1-06-13-1-77-1/26 primio Zahtjev za obnovu dozvole/licence za rad Operatora za OIEiEK. Dopuna navedenog zahtjeva primljena je 19.3.2026. godine pod brojem: UP1-06-13-1-77-2/26.

Prilikom pregleda podnesenog zahtjeva FERK je utvrdio da je uz podneseni zahtjev priložena sva dokumentacija koja se prilaže uz zahtjev u skladu sa članom 11. i članom 44. Pravilnika o izdavanju dozvola.

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari FERK je, u skladu sa članom 15. Pravilnika o izdavanju dozvola, utvrdio Nacrt dozvole/licence za rad Operatoru za OIEiEK po Zahtjevu broj: UP1-06-13-1-77-1/26 od 6.3.2026. godine, podnosioca zahtjeva Operator za OIEiEK. Na osnovu člana 19. stav (3) i stav (4) Zakona o električnoj energiji Federacije Bosne i Hercegovine, FERK je Odlukom broj: UP1-06-13-1-77-3/26 od 9.4.2026. godine usvojio Nacrt dozvole/licence za rad Operatoru za OIEiEK i Obavještenje za javnost o opštoj raspravi o Nacrtu dozvole/licence za rad Operatoru za OIEiEK, kojim je ovaj nacrt upućen u proces javne rasprave. Ovom odlukom je imenovan voditelj postupka i zamjenik voditelja postupka i utvrđeno je da su zainteresovana lica imala mogućnost dostaviti svoje pisane komentare na Nacrt dozvole/licence za

rad Operatoru za OIEiEK na adresu FERK-a ili na elektronsku adresu, u periodu od 10.4. do 20.4.2026. godine do 12:00 časova.

Do ostavljenog roka za dostavu pisanih komentara odnosno do 20.4.2026. godine do 12:00 časova, u FERK nisu primljeni pisani komentari na Nacrt dozvole/licence za rad Operatoru za OIEiEK.

Dalje, članom 14., članom 15. i članom 16. Pravilnika o regulatornim naknadama propisan je iznos naknade za Operatora za OIEiEK, dinamika obračuna te naknade i rješavanje o istoj. O obavezi plaćanja naknade imaocu dozvole se dostavlja posebno obavještenje.

Na osnovu obrade Zahtjeva za obnovu dozvole/licence za rad Operatora za OIEiEK podnosioca Operator za OIEiEK i dokumentacije priložene uz zahtjev kojom je podnositelj zahtjeva dokazao da ispunjava kriterijume za izdavanje dozvole iz člana 45. Pravilnika o izdavanju dozvola, u dozvoli koja je predmet ovog rješenja podnosiocu zahtjeva postavljeni su u skladu sa članom 46. istog pravilnika određeni uslovi. Navedeni uslovi uvažavaju potrebu, ali i obavezu Operatora za OIEiEK da u rokovima propisanim u uslovima dozvole/licence za rad Operatoru za OIEiEK iste ispunjava.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnositelj zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDAVAJUĆA FERK-a
Vesna Marić

Vesna Marić

Dostaviti:

- Operatoru za OIEiEK (poštom preporučeno uz dostavnicu)



DOZVOLA/LICENCA ZA RAD OPERATORU ZA OIEiEK

NAZIV IMAOCA DOZVOLE:

Operator za OIEiEK

SJEDIŠTE IMAOCA DOZVOLE:

ul. Adema Buća br. 34, 88000 Mostar

IDENTIFIKACIONI BROJ IMAOCA DOZVOLE: **4227816850001**

REGISTARSKI BROJ DOZVOLE: **UP1-06-13-1-77-1/26**

PERIOD VAŽENJA DOZVOLE: **4.9.2026. – 3.9.2041.**

DATUM: 22.4.2026. godine



Vesna Marić
predsjedavajuća FERK-a



Samir Hadžihusejnović
član FERK-a



Sanela Pokrajčić
član FERK

USLOVI DOZVOLE

1. OPŠTE ODREDBE

- 1.1. Regulatorna komisija za energiju u Federaciji Bosne i Hercegovine - FERK izdaje Dozvolu/licencu za rad Operatoru za OIEiEK podnosiocu zahtjeva Operator za OIEiEK (u daljem tekstu: imalac dozvole), na osnovu zahtjeva za obnovu dozvole/licence za rad Operatoru za OIEiEK podnesenog 6.3.2026. godine.
- 1.2. Sjedište imaoaca dozvole: ul. Adema Buća br. 34, 88000 Mostar
Telefon: 036 281 030, Faks: 036 281 031.
- 1.3. Uprava Operatora za OIEiEK je ovlaštena za zastupanje.
Telefon: 036 281 030, Faks: 036 281 031.
- 1.4. Elektronska adresa: kontakt@oieiek.ba
- 1.5. Operator za OIEiEK je dobio 24.5.2016. godine Dozvolu za rad Operatoru za OIEiEK broj 06-03-290/9/16 koja važi do 3.9.2026. godine.
- 1.6. Ova dozvola se izdaje na period od 15 godina, tj. od 4.9.2026. godine do 3.9.2041. godine.

2. DEFINICIJE

Riječi i izrazi u ovoj dozvoli imaju značenje koje im je dato Zakonom o energiji i regulaciji energetske djelatnosti u Federaciji Bosne i Hercegovine („Službene novine Federacije BiH“, broj 60/23), Zakonom o električnoj energiji Federacije Bosne i Hercegovine („Službene novine Federacije BiH“, broj 60/23), Zakonom o korišćenju obnovljivih izvora energije i efikasne kogeneracije („Službene novine Federacije BiH“, broj 82/23) i podzakonskim aktima.

3. OBAVLJANJE LICENCIRANE DJELATNOSTI

- 3.1. Imalac dozvole obavlja licenciranu djelatnost na transparentan i javan način, u skladu sa svojim nadležnostima propisanim Zakonom o korišćenju obnovljivih izvora energije i efikasne kogeneracije i drugim zakonskim i podzakonskim propisima.
- 3.2. Ukoliko tokom obavljanja djelatnosti nastupe okolnosti zbog kojih imalac dozvole opravdano ne može da obavlja djelatnosti navedene u dozvoli, obavezan je da o tome bez odgađanja, obavijesti FERK.

4. OBAVEZE IMAOCA DOZVOLE

4.1. Pravila i propisi

Imalac dozvole obavezan je da se pridržava pravila i propisa FERK-a, kao i uslova ove dozvole prilikom obavljanja licencirane djelatnosti.

4.2. Pravni osnov korišćenja

Imalac dozvole obavezan je da ima pravni osnov za korišćenje prostora, uređaja i opreme potrebnih za obavljanje licencirane djelatnosti i da o promjenama vezanim za naprijed navedeno izvještava FERK.

4.3. Pravila za tržište električne energije

4.3.1. Imalac dozvole obavezan je da poštuje pravila za tržište električne energije.

4.3.2. Imalac dozvole obavezan je da uredi svoje odnose sa učesnicima na tržištu električne energije u skladu sa pravilima za tržište električne energije.

4.4. Obračun i isplata finansijskih sredstava

Imalac dozvole obavezan je da obezbjedi transparentne i ispravne računovodstvene politike za obezbjeđenje odgovarajućeg uvida u sredstva koja naplaćuje i isplaćuje prilikom obavljanja svojih zakonom propisanih nadležnosti.

4.5. Izvještavanje

Imalac dozvole obavezan je da FERK-u dostavi godišnje i polugodišnje izvještaje o radu i poslovanju, kao i izvještaje u skladu sa FERK-ovim Pravilnikom o izvještavanju („Službene novine Federacije BiH“, broj 13/24).

4.6. Sistem za elektronsku razmjenu podataka

Imalac dozvole obavezan je da održava i razvija sredstva za komunikaciju u skladu sa pravilima za elektronsku razmjenu podataka koji se koriste za obavljanje licencirane djelatnosti.

4.7. Baze podataka

Imalac dozvole obavezan je da uspostavi i vodi baze podataka neophodne za obavljanje licencirane djelatnosti.

5. FINANSIJSKI INTEGRITET I STABILNOST IMAOCA DOZVOLE

5.1. Imalac dozvole obavezan je da trajno vodi računa o finansijskom integritetu i stabilnosti svog poslovanja, a u cilju obavljanja zakonom propisanih nadležnosti.

5.2. Imalac dozvole obavezan je da vodi poslovne knjige i radi finansijske izvještaje za licenciranu djelatnost, u skladu sa propisima kojima se uređuje oblast računovodstva i revizije.

6. KVALIFIKACIONA STRUKTURA OSOBLJA IMAOCA DOZVOLE

Imalac dozvole obavezan je da upošljava stručno osposobljeno osoblje neophodno za obavljanje licencirane djelatnosti u skladu sa zakonom propisanim nadležnostima.

7. NADGLEDANJE

7.1. U okviru svojih nadležnosti FERK vrši nadgledanje ispunjenja uslova iz ove dozvole.

7.2. U cilju nadgledanja ispunjenja uslova iz ove dozvole, imalac dozvole je obavezan da dostavlja podatke u skladu sa tačkom 4.5., kao i druge podatke, informacije, izvještaje i

druge potrebne dokumente, uključujući finansijske, na zahtjev FERK-a, koji su neophodni FERK-u za izvršavanje njegovih nadležnosti u skladu sa zakonom i podzakonskim aktima.

- 7.3. Ovlašćeni zaposlenici FERK-a imaju pravo da obavljaju redovno i vanredno nadgledanje u sjedištu i/ili na ostalim mjestima u kojima se obavlja licencirana djelatnost imaoca dozvole i imaju pravo pregleda opreme i postrojenja, poslovnih knjiga, baza podataka i druge dokumentacije, te pristupa informacionom sistemu i tehnologijama koje omogućavaju rad informacionog sistema, sve poslovne dokumentacije, te računarskih ispisa koji uključuju elektronsku poštu, kopije poslovnih knjiga, zapise sa telefaksa u papirnoj ili elektronskoj formi da bi se izvršio uvid u obavljanje licencirane djelatnosti u skladu sa uslovima izdate dozvole.
- 7.4. Imalac dozvole obavezan je da saraduje sa FERK-om tokom pripreme i prilikom obavljanja nadgledanja.

8. IZMJENA, PRENOS, OBNOVA, PONIŠTAVANJE I ODUZIMANJE DOZVOLE

- 8.1. Tokom perioda važenja dozvole, a na zahtjev imaoca dozvole moguće je pokrenuti postupak izmjene, prenosa, obnove ili oduzimanja dozvole u skladu sa odredbama Pravilnika o izdavanju dozvola.
- 8.2. FERK ima pravo da pokrene postupak za izmjenu uslova dozvole po službenoj dužnosti, a dozvolu može i da poništi i oduzme u skladu sa zakonom.
- 8.3. FERK ima pravo da pokrene postupak za izmjenu uslova dozvole po službenoj dužnosti u slučaju:
- izmjene propisa kojima se uređuje poslovanje i obavljanje djelatnosti elektroenergetskih subjekata,
 - u drugim slučajevima kada se na osnovu činjeničnog stanja ocijeni da je potrebno zaštititi javni interes.

9. MJERE I SANKCIJE

Ako se u postupku nadgledanja utvrde odstupanja od uslova ove dozvole ili nepravilnosti koje su prouzročile ili mogu da prouzroče štetne posljedice za krajnje kupce i učesnike na tržištu, FERK može da:

- naloži otklanjanje utvrđenih nepravilnosti, bez odgađanja ili u roku koji odredi,
- oduzme ovu dozvolu,
- obavijesti nadležne organe o uočenim nepravilnostima koje su iz njihove nadležnosti.

10. RJEŠAVANJE SPOROVA

Imalac dozvole obavezan je da redovno izvještava FERK o sporovima koji se vode pred nadležnim sudovima, a u vezi sa licenciranom djelatnošću.

11. KOMUNIKACIJA

- 11.1. Službena komunikacija između imaoca dozvole i FERK-a obavlja se u pisanoj ili elektronskoj formi uz odgovarajuću primjenu odredbi Pravilnika o izdavanju dozvola i drugih propisa FERK-a.
- 11.2. Imalac dozvole obavezan je da obavještava FERK o svim važnijim izmjenama u pravnom okviru, sudskim odlukama i događanjima koji imaju uticaja na licenciranu djelatnost.

12. TAJNOST PODATAKA I INFORMACIJA

- 12.1. Imalac dozvole obavezan je da blagovremeno podnese zahtjev za zaštitu povjerljive informacije, za informaciju koju smatra povjerljivom, u skladu sa Pravilnikom o zaštiti povjerljivih informacija („Službene novine Federacije BiH“, broj 5/24).
- 12.2. Imalac dozvole obavezan je da obezbjedi tajnost podataka koji su označeni kao povjerljivi od subjekta koji ih je dostavio, kao i drugih podataka, čija je obaveza čuvanja utvrđena posebnim propisima, a do kojih imalac dozvole dođe prilikom obavljanja licencirane djelatnosti.